

سنه ۶۶ پولوسك طيموتاوسه رساله ثانيه سنك ايكنجي بابي

- چيقارمش اولان خلاصكارمن عيسى المسيحك ظهوريله حالا آشكار
اولان عنايته كوره بزي خلاص ايدوب مقدس دعوتله دعوت
۱۱ ايدن اللهمك قوتيله حصه دار اول ❖ بن دخي بونك واعظي
۱۲ وطائفه لك رسولى ومعلمى نصب اولنديغ ايجون ❖ بونسنه لرى
چكبورم . ينه بن هيچ اوتانموب كيمه ايمان ايتديكمي بيلكله اكا
تسليم ايتديكم امانتى اول كونه دكين حفظ ايتكه قادرا اولديغنه
۱۳ اعتماد ايدرم ❖ عيسى المسيحده اولان ايمان ومحببت ايله بنندن
۱۴ ايشتيديكم اقوال صحيفه نك صورتني ❖ اول امانت حسنه يي درونمزده
۱۵ ساكن اولان روح القدسك عونيله محفوظ طوت ❖ آسياده اولنلك
جمله سى بنندن بوز چوردكلرينى سن ييلورسن . فيكه لوس هم
۱۶ هرمو كينس بونلردنر ❖ اونسفوروسك خانه سنه رب رحمت ويرسون
۱۷ زيرا بنى چوق دفعه تفریح ايدوب زنجيرمدن اوتانميه رق ❖ بالعكس
۱۸ روماده ايكنس جهد ايله بنى آرادی وبولدى ❖ رب اكا اول كونده
ربك حضورنده رحمت بولغى احسان ايله . و افسوسده بكا تقدیر
خدمت ايتديكنى سن پك ايو ييلورسن .

ايكنجي باب

- ۱ ايمدى سن اى اوغلم عيسى المسيحده اولان عنايته قوى اولوب
۲ ❖ نيجه شاهدلر حضورنده بنندن ايشتيديكم نسنه لرى غيريلرك تعليمته
۳ دخي قابل اولان صادق كسنه لره تفويض ايله ❖ ايمدى سن عيسى
۴ المسيحك برايو جنكجيسى كى مشقته تحمل ايله ❖ جنك ايدن كسنه

(۱۱) اعم' ۱۵ ب ۱۳ ب ۲۲ ۲۱ غطه ۱۵۱ وب ۷۲ و ۸ اس ۸۳ وب ۱ طيم' ۷۲ . (۱۲) اس ۳
۱ (۱۳) ب ۱۴۳ . (۱۴) ۱ طيم' ۲۰۶ . (۱۵) ۱۰۴ و ۱۶ اعم' ۱۰۱۹ . (۱۶) ۱۹ ۴ اعم' ۲۰۲۸ اس ۲۰۶ .
باب ۲ (۲) ۱ طيم' ۲۳ الف تيت' ۵۱ الف . (۳) ۸۱ وب ۵۴ . (۴) ۱ قرط ۲۵۹ .